


Tertib Surah	Nama Surah	Bilangan Ayat	Bilangan Ruku'	Makkiyyah / Madaniyyah	Tertib Turun	Bilangan Paragraf
Ke-33	Al-Ahzaab	73	9	Madaniyyah	Ke-90	12



Zaman Diturunkan

Surah al-Ahzaab diturunkan sekitar tahun ke-4, ke-5 dan ke-6 Hijrah ketika berlaku perang Ahzaab, Ghazwah Bani Quraizah dan perkahwinan Rasulullah s.a.w. dengan Zainab pada bulan Zul Qa'dah pada tahun ke-5 Hijrah. Setahun kemudian iaitu pada tahun ke-6 Hijrah, Surah an-Nuur diturunkan. Walaupun dari segi tartib kitabi Surah al-Ahzaab itu terletak kemudian daripada Surah an-Nuur tetapi dari segi turunnya adalah lebih dahulu daripada Surah an-Nuur. Di dalam ayat pertama lagi orang-orang Islam diperintahkan supaya tidak tertekan dengan tindak-tanduk orang-orang munafiq dan orang-orang kafir.

Perang Ahzaab juga dipanggil perang Khandaq, zaman itu ialah zaman yang terlalu mencabar kepada Rasulullah s.a.w. dan para sahabat Baginda, orang-orang Quraisy bersama dengan sekutu-sekutu mereka telah bersepakat mengepung Madinah, di dalam Madinah pula orang-orang munafiq tidak henti-henti menyakiti dan mengganggu Rasulullah dengan menyerang peribadi Baginda. Dalam keadaan begitu pun Allah memerintahkan kepada NabiNya supaya tidak tunduk kepada orang-orang kafir Quraisy dan sekutu-sekutunya yang datang sebagai musuh dari luar dan tidak mengalah kepada musuh-musuh dalaman yang terdiri daripada golongan munafiqin (Ayat: 1).

وَلَا تُطِيعِ الْكَافِرِينَ وَالْمُنَافِقِينَ

Kesinambungan Surah Al-Ahzaab Dengan Surah Sebelum Dan Selepasnya

1. Di dalam Surah as-Sajdah sebelum ini telah diberikan gambaran kasar dan umum berhubung dengan orang-orang mu'min dan fasiq. Di dalam Surah al-Ahzaab ini pula dinyatakan secara terperinci peribadi para sahabat yang ikhlas dan perangai-perangai golongan munafiqin yang merupakan talam dua muka itu.
2. Di dalam Surah al-Ahzaab disebutkan kritikan-kritikan dan tuduhan-tuduhan mengarut orang-orang munafiqin terhadap Rasulullah, sementara di dalam Surah Saba' akan datang pula disebutkan kritikan-kritikan dan tuduhan-tuduhan orang-orang musyrikin Mekah terhadap Baginda dan perjuangan Baginda.

Beberapa Kata Kunci Dan Tema Utama Surah

1. Rasulullah s.a.w. dan para sahabatnya menghadapi keadaan yang sangat sukar dan mencabar ketika berlaku peperangan Ahzaab.

Keadaan sukar dan genting berlaku disebabkan adanya tekanan dari musuh-musuh dalaman dan juga musuh-musuh luaran yang terdiri daripada golongan منافقين dan كافرين. Dalam keadaan itu Allah memerintahkan supaya Rasulullah s.a.w. dan para sahabat bertawakkal kepadaNya, nasihat supaya

bertawakkal itu terdapat selepas tiga ayat di permulaan surah dan ia diulangi pada ayat 48.

2. Permulaan dan akhir surah.

Manusia diperintahkan supaya tidak terlibat dengan kekufuran dan kemunafiqan di dalam ayat pertama, di dalam ayat terakhir pula dinyatakan bahawa manusia perlu melaksanakan amanah yang dipertanggungjawabkan kepadanya dengan sebaik-baiknya. Untuk itu mereka semestinya tidak jahil dan berlaku zalim, orang-orang yang terlibat dengan kekufuran dan kemunafiqan akan menerima balasan buruknya.

3. Di dalam surah ini perkataan سَادَتْنَا (ketua-ketua kita), كُبْرَانَا (pembesar-pembesar kita) digunakan untuk pemimpin-pemimpin kafir, musyrik dan munafiq yang merupakan ahli neraka itu (Ayat: 67).

وَقَالُوا رَبَّنَا إِنَّا أَطَعْنَا سَادَتَنَا وَكُبْرَانَنَا فَاصْلُواْنَا السَّبِيلَ ﴿٦٧﴾

4. Hukum-hukum politik dan kepimpinan orang musyrik, kafir dan munafiq.

Perintah supaya tidak mentaati orang-orang munafiq dan kafir diberikan (Ayat: 1 dan 48). Mereka dikatakan akan masuk neraka (Ayat: 68).

5. Perkaitan 3 ayat yang dimulakan dengan haraf ل dengan amanah.

Di dalam surah ini terdapat beberapa ayat yang dimulakan dengan لام التعليل (ل) seperti لَيْسَنَّا (Ayat: 8), لِيُعَذِّبَ وَيُثَوِّبَ (Ayat: 24), لِيُعَذِّبَ وَيُثَوِّبَ (Ayat: 73).

(a) Amanah sebenarnya adalah satu tanggungjawab besar dan satu ujian kepada manusia, golongan صَادِقِينَ menyempurnakan tuntutan amanah apabila memegangnya sementara golongan kafir, musyrikin dan munafiqin pula bertindak zalim dan berkelakuan seperti orang jahil apabila memegangnya. Bukan sahaja perjanjian teguh dibuat dengan Raslulullah, bahkan sekalian nabi juga telah diikat dengan perjanjian yang teguh supaya menyempurnakan amanah (Ayat: 7).

(b) Matlamat dan maksud memegang amanah ialah memberi balasan dan ganjaran yang baik kepada orang-orang yang benar kerana kebenarannya dan memberikan azab yang pedih kepada orang-orang kafir (Ayat: 8).

(c) Perjanjian yang teguh dan amanah juga bermaksud memberi balasan yang baik kepada orang-orang yang benar dan balasan yang buruk kepada orang-orang munafiq (Ayat: 24).

(d) Amanah juga bermaksud menghukum orang-orang munafiq, musyrik dan kafir sama ada lelaki atau perempuan dan mengasihani orang-orang mu'min sama ada lelaki atau perempuan (Ayat: 73).

6. Gangguan orang-orang munafiq.

Di dalam surah ini beberapa perkataan yang berpunca daripada إِذَاء dan أَذَى digunakan.

- (a) Rasulullah terganggu dengan sesetengah sikap orang-orang munafiq (Ayat: 53).
- (b) Orang-orang Islam yang ikhlas tidak sayugiyanya menyakiti dan mengganggu Rasulullah s.a.w. (Ayat: 53).
- (c) Orang-orang yang mengganggu serta menyakiti Allah dan rasulNya dila'nat di dunia dan di akhirat dan untuk mereka disediakan azab yang menghinakan (Ayat: 57).
- (d) Untuk mengelak diri daripada gangguan orang-orang munafiq, perempuan-perempuan Islam perlu memakai pakaian yang labuh dan menutup `aurat (jilbab). (Ayat: 59).
- (e) Orang-orang munafiq diperintahkan supaya tidak mengganggu dan menyakiti Rasulullah sebagaimana Nabi Musa dahulu selalu diganggu oleh orang-orang Bani Israil (Ayat: 69).
- (f) Perintah supaya tidak menghiraukan gangguan-gangguan dan perbuatan-perbuatan orang-orang kafir dan munafiq yang menyakitkan hati (Ayat: 48).

7. Perbandingan di antara para sahabat yang ikhlas dan golongan munafiq.

Surah ini juga mengemukakan dua watak manusia, watak pertama ialah para sahabat yang ikhlas, iman mereka semakin bertambah apabila melihat pasukan tentera musuh (Ayat: 22, 31-36). Watak kedua ialah golongan munafiq yang sentiasa sibuk dengan aktiviti-aktiviti menentang kerajaan dan negara (Ayat: 12-21).

8. Hukum-hukum kekeluargaan.

Orang-orang Islam hendaklah memilih jalan sederhana dalam kehidupan kekeluargaan, setiap anggota keluarga hendaklah meletakkan دار الآخرة (negeri akhirat) di hadapannya (Ayat: 28). Beberapa arahan dan bimbingan kepada Rasulullah berhubung dengan kekeluargaan (Ayat: 50, 51 dan 52).

9. Hukum-hukum pergaulan.

- (a) Orang-orang perempuan muslim hendaklah memakai pakaian yang menutup aurat (جِلْبَاب) (Ayat: 59).

يُذْنِبْنَ عَلَيْهِنَّ مِنْ جَلْبَابِهِنَّ

- (b) Di dalam rumah, orang-orang Islam hendaklah menggantung langsir atau tabir, jika mahu meminta apa-apa dengan orang-orang perempuan hendaklah meminta dari balik tabir (حِجَاب) (Ayat: 53).

فَسْأَلُوهُنَّ مِنْ وَرَاءِ حِجَابٍ

- (c) Wanita jangan bercakap dengan lelaki dengan bahasa yang menimbulkan fitnah dan mereka juga jangan bersolek dan mendedahkan aurat seperti amalan Jahiliyyah (تَبَرُّج) (Ayat: 33).

وَلَا تَبَرَّجْنَ تَبَرُّجَ الْجَاهِلِيَّةِ الْأُولَى

(d) Hikmat perkahwinan Rasulullah s.a.w. dengan Zainab ialah supaya tidak ada sebarang kesempatan kepada orang-orang Islam untuk mengahwini bekas isteri anak-anak angkat mereka hingga ke hari kiamat (Ayat: 37).

لَكِنْ لَا يَكُونُ عَلَى الْمُؤْمِنِينَ حَرَجٌ

(e) Perempuan yang dicerai sebelum digauli tidak perlu ber'iddah (Ayat: 49).

فَمَا لَكُمْ عَلَيْهِنَّ مِنْ عَدُوٍّ

(f) Keizinan hendaklah diperolehi sebelum masuk ke dalam rumah-rumah Nabi s.a.w. (dan rumah-rumah orang-orang lain juga) (Ayat: 53).

لَا تَدْخُلُوا بُيُوتَ النَّبِيِّ إِلَّا أَنْ يُؤْذَنَ لَكُمْ

(g) Tanpa dijemput, janganlah ikut serta dalam sesuatu majlis makan (Ayat: 53).

إِذَا دُعِيتُمْ فَأَدْخُلُوا

(h) Setelah bersembahyang 'Isya' dan makan malam, janganlah masa dihabiskan dengan berbual-bual kosong (Ayat: 53).

فَإِذَا طَعِمْتُمْ فَانْتَشِرُوا وَلَا مَسْتَنْسِفِينَ لِحَدِيثٍ

10. Hukum-hukum kemasyarakatan.

(a) Dengan menzahirkan isteri, ia tidak menjadi ibu bagi seseorang dan anak angkat bukan seperti anak sebenar (Ayat: 4).

(b) Untuk mendapat keadilan kemasyarakatan, hubungan antara seseorang dengan seseorang yang lain perlulah jelas kerana ia أَقْسَطُ عِنْدَ اللَّهِ (lebih adil di sisi Allah) (Ayat: 5).

(c) Anak-anak angkat hendaklah dibinkan kepada bapa sebenarnya dan mereka hendaklah dikaitkan dengan bapa sebenarnya (Ayat: 5).

أَدْعُوهُمْ لِأَبَائِهِمْ

(d) Membuat propaganda tidak betul berpunca daripada sifat nifaq, ia hendaklah dihentikan, ia hendaklah digantikan dengan zikir kepada Allah (Ayat: 41).

يَا أَيُّهَا الَّذِينَ ءَامَنُوا أَذْكُرُوا اللَّهَ ذِكْرًا كَثِيرًا ﴿٥١﴾

(e) Selawat dan salam hendaklah diberikan kepada Rasulullah s.a.w. (Ayat: 56). Itulah tuntutan agama Islam dan tanda hubungan sayang kepada Baginda.

صَلُّوا عَلَيْهِ وَسَلِّمُوا تَسْلِيمًا ﴿٥٦﴾

(Peringatan)

Surah al-Ahzaab dan Surah an-Nuur seeloknya dibaca bersama.